

## Ugovor o pružanju zdravstvenih usluga

Zaključen dana 18.08.2017. godine između:

1. Davalac usluga: **PZU Eurofarm – Centar Poliklinika**, ul. Butmirska cesta br. 10, 71210 Ilidža – Sarajevo, ID br. 4200128030003, koju zastupa **izvršni direktor prim.mr.ph. Šukrija Huseinović** – u daljem tekstu: Davalac usluga
2. Primalac usluga **JU Treća osnovna škola**, ul. Nasihe Kapidžić Hadžić br. 1, 71210 Ilidža, ID broj 4200144740002, koju zastupa **direktor škole Alma Jakubović** – u daljem tekstu: Primalac usluga

### PREDMET UGOVORA

#### Član 1.

Predmet ovog Ugovora je obavljanje sistematskog pregleda zaposlenika Primaoca usluga, a od strane Davaoca usluga.

Ovim Ugovorom Davalac usluga i Primalac usluga definišu međusobna prava i obaveze u vezi s tim.

#### Član 2.

Sistematski ljekarski pregled zaposlenika Primaoca usluga obuhvata:

##### A. Medicinske usluge i pregledi:

1. Kompletan pregled specijaliste medicine rada
2. RTG pluća prema kliničkim indikacijama
3. EKG sa interpretacijom
4. Bris guše i nosa – prema indikacijama
5. Pregled i procjena psihofizičkih sposobnosti od strane specijaliste neuropsihijatra
6. Pregled okuliste - vizus
7. Medicinski izvještaj o obavljenom ljekarskom pregledu

##### B. Laboratorijske pretrage

1. Sedimentacija
2. Kompletna krvna slika
3. Šećer u krvi
4. Željezo u serumu
5. Kompletan urin

### VRIJEME TRAJANJA UGOVORA I CIJENA UGOVORA

#### Član 3.

Sistematski pregled će se obavljati dana 21.08.2017. i 22.08.2017. godine.

Cijena sistematskog ljekarskog pregleda iz Člana 2. ovog Ugovora (po zaposleniku Primaoca usluga) utvrđuje se u iznosu od **35,00 KM**.

#### Član 4.

Usluge definisane članom 1. ovog Ugovora oslobođene su plaćanja PDV-a (na osnovu ZPDV, Član 24. Stav 1. Tačka 2. / Sl.gl. BiH, br. 9/05 / i na osnovu „Pravilnika o primjeni ZPDV, Član 25. Tačka 1. / Sl.gl. BiH 93/05).

#### **OBAVEZE UGOVORNIH STRANA**

#### Član 5.

Davalac usluga će usluge definisane članom 1. (Stav 1. Član 1.) ovog Ugovora obavljati u skladu s zakonskim propisima iz ove oblasti i pravilima struke, a po posebno utvrđenom planu ljekarskih pregleda. Usluge će biti obavljene od strane stručnih lica iz Medicine rada, uposlenika Davaoca usluga, u prostorijama Davaoca usluga na adresi Butmirska 10, 71210 Ilidža.

#### Član 6.

Davalac usluga će po završenom pregledu dostaviti Primaocu usluga izvještaj o zdravstvenom stanju pregledanih uposlenika sa navedenim datumom i brojem protokola.

Primalac usluga će plaćanje usluga iz prethodnog stava izvršiti po ispostavljanju računa od strane Davaoca usluga nakon obavljene usluge, sa rokom dospijeća od 15 dana, a u skladu s mogućnostima Trezora Kantona Sarajevo.

#### Član 7.

Primalac usluge se obavezuje dostaviti spisak zaposelnika Davaocu usluge najkasnije 2 dana prije datuma dogovorenog za sistematski kontrolni ljekarski pregled.

#### **UGOVORNA KAZNA ZA NEIZVRŠAVANJE OBAVEZA**

#### Član 8.

U slučaju kašnjenja u pružanju usluga, Primalac usluga će zaračunati i naplatiti Davaocu usluga na ime ugovorene kazne iznos od 0,5% vrijednost radnog sata za svaki započeti dan zakašnjenja.

#### **ODREDBE O RASKIDU UGOVORA**

#### Član 9.

Svaka od ugovornih strana može jednostrano raskinuti ugovor i prije roka određenog za njegovo ispunjenje, ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Svaka od ugovornih strana može raskinuti ugovor zbog toga što neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane.

Ugovor se ne može raskinuti zbog neispunjenja neznatnog dijela obaveze. Kao neznatno neispunjenje obaveze smatrat će se ono koje bitnije ne otežava ostvarivanje svrhe ovog ugovora.

Izjava o raskidu ugovora daje se pismeno.

Ugovorna strana koja je osnovano, jednostrano raskinula ugovor ima pravo na naknadu štete prema općim pravilima obligacionog prava o naknadi štete.

Ako ugovaratelji sporazumno raskinu ugovor oni sporazumno i rješavaju sva sporna pitanja nastala raskidom ugovora.

Ugovorne strane saglasne se da se o pitanjima koja nisu regulisana ovim ugovorom primjenjuju odredbe iz Zakona o obligacionim odnosima.

## **VIŠA SILA**

### **Član 10.**

Ako slučaj više sile potpuno ili djelomično spriječi izvršenje obaveze po ovom ugovoru, ugovorna strana zahvaćena slučajem više sile je obavezna da o nastanku više sile, o vrsti i o eventualnom trajanju više sile pismeno obavijesti drugu ugovornu stranu u roku od 5 (pet) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprječava slanje takvog obavještenja. Okolnost više sile se dokazuje odgovarajućom dokumentacijom/dokazima izdatom/im od strane nadležnog organa.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ugovora, koji su nastali mimo volje ugovornih strana, čije nastupanje i dejstvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od utjecaja na izvršenje obaveza i svi drugi događaji koje nadležni organ priznaje i proglašava kao slučajeve više sile.

Za vrijeme trajanja više sile obaveze Primaoca i Davaoca usluga po ovom Ugovoru miruju, ne primjenjuju se odredbe o ugovornoj kazni definisane članom 8. ovog Ugovora, s tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedice više sile.

Ukoliko slučaj više sile bude trajao duže od 30 (trideset) dana, Primalac i Davalac usluga će se sporazumjeti o daljoj sudbini Ugovora. Ukoliko se isti ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora, pošto o tome pismeno obavijesti drugu ugovornu stranu.

## **RJEŠAVANJE SPOROVA**

### **Član 11.**

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.



**Član 12.**

Ugovorne strane saglasne su da se na sva pitanja koja nisu regulisana ovim ugovorom primjenjuju odredbe Zakona o obligacionim odnosima.

**OSTALE ODREDBE**

**Član 13.**

Sve izmjene ovog ugovora mogu se vršiti isključivo i samo uz pismenu saglasnost ugovornih strana.

**Član 14.**

Ovaj ugovor stupa na snagu danom potpisivanja od strane ovlaštenih lica ugovornih strana.

**Član 15.**

Ovaj ugovor sačinjen je u 3 (tri) istovjetna primjerka od kojih Primalac usluga zadržava 2 (dva), a Davalac usluga 1 (jedan) primjerak ugovora.

**UGOVORNE STRANE**

Davalac usluga:

  
Izvršni direktor, Prim. mr.ph. Šukrija Huseinović

Br. protokola: K9-129/17

Datum: 18.08.2017.

Primalac usluga:

  
Direktor škole, Alma Jakubović

Br. protokola: 407-09-117

Datum: 18.08.2017.